


Pebes desolacion evidomp, Francisien!  
 Collet hon eus ur Prinç mad voa capabl d'or zouten,  
 Goulennomp a vouir galon ma vezo curunet  
 Gant Jesus hac ar Verc'hez en pales an Drindet.



## G U E R Z

*Var sujet an distro eus un Den Yaouanq partiet  
 gant ar Reqizicion gentu.*

*Var ton : Va Flaneden so caled.*

**T**OSTAIT oll, tud yaouanq, ha qemerit true  
 Eus ar blapeden bonner a boez var va bue :  
 Deut da gemesq ho taelou assambles gant va re,  
 Da zoulaji va foaniou, deut da voela varne.

Setu deg vloaz tremenet ma zon bet contrainet  
 D'abandoni va c'herent, va douç, va mignonet,  
 Evit monet d'ar brezel da zeugen an armo  
 E faveur al liberte voa prometet d'am bro.

Abaoue qeit-al amzer, ne alfen qet laret  
 Pet combat ha pet poaniou am eus-me anduret.  
 Tri c'hant leo am zepare eus va c'herent nessa,  
 Ha ne meus bet anezo qêlon an distera.

E creis ar c'harnach bemde va buez exposet,  
 Unan demeus va divrec'h erfin am eus collet,  
 Hac evit ol recompanç emeus bet va c'honje,  
 Hep caouet neb pansion da veva em c'hontre.



C'hoas ladden o tilezel servich as Republiq,  
 N'en deo qet deot va speret da gompren er fatiq  
 Eus an hent hir ha poanlus am boa-me da ober  
 Atoc guelet va zud qer hac êruout er gær.

Collet em eus ar galloud da rêy sicour d'am zad,  
 Hac o tivoueret va brec'h, n'allin muy labourat;  
 Bremàn va zud am mago, pa meus-me c'hoas ar chang  
 M'o deus leve hac arc'hant ebars en abondanç.

Setu me dija êru tostiç demeus ar gær;  
 Gant ar joa eus va guelet an oll a ray din cher.  
 Va zad, va mam, va c'herent, breudeur ha c'hoarezet,  
 Ha va mestrezic fidel, oll e vint ravisset.

Bonjour dèc'h, ô va c'hontre! eurus en em gavàn  
 Galloud c'hoas ho contempli, dont da vervel amàn.  
 Va c'halon, gant ar joa, em c'hreiz zo seziet,  
 O tostât demeus an ti elec'h m'on bet ganet.

Mes oc'h antreal enni, e zon bet trubuillet,  
 Un den dianav din-me en deus bet din laret;  
 Êruet fall oc'h amàn; sortiit, va mignon,  
 Ne mèn qet ar mestr er gær, n'o po qet aluzon.

Souezet bras o velet n'anaveyen hini  
 Touez qelies personach a oa o ren en ti,  
 E meus-me pront respontet: ententit va rêzon,  
 Me n'en don qet deot amàn da glasq an aluzon.

Clasq a ràn va c'herent qer er plaç m'on bet ganet;  
 Allec'h-màn a so dezo, amàn oun bet maget.  
 Lavarit din, me ho ped, pelêc'h en o c'havin:  
 Ne zefot netra qen din evit va c'hontantin.



An den-màn a so follet, int comancet crial :  
 N'en deo qet mab d'or mestr-ni, ret eo er chasseal,  
 Guelet ho piye neuze ur vanden mevellyen  
 O tiredec gant bizier d'am chasseal souden.

O sortial gant glac'har ha beuzet em daelou,  
 Da glasq va zud elêc'h all, pe clêvet o c'hêlou,  
 En hent e zon bet scôet vel gant un tol curun,  
 Pa meus-me hanavezet voa collet hor fortun.

Souden em eus rancontret va c'hoar ar yaouanqa.  
 Ur zac'hic staget outi, o c'houlén he bara.  
 O clasq compren er maleur varnomp-ni diguezet,  
 Va speret zo bet troublet, ha va c'halon mantret.

O Doue oll-buissant! roit din oc'h assistanç,  
 Roit din an nerz da glêvet penos ho Providanç  
 He deveus bet permetet, evit hor c'hastia,  
 Ma zomp-ni bet distolet er stad an horrupla.

Va c'hoariq paour, me ho ped, soulajit va mizer,  
 Hast bras am eus da glêvet qêlou deus va zad qêr,  
 Hac eus ar vamiq tener he deveus hor zavet :  
 Mervel a ràn en defot o zerc'hel ambrasset.

Siouas dit, va breuriq paour, ne oufes qet comprea  
 Pegen bras eo hor maleur, peguer bras hon anqen.  
 Allas! ouspen hor madou a renqomp divoueret :  
 Hor c'herent carantezus zo bet deomp ravisset.

En despet d'al lezennou grêt gant ar Republiq,  
 Hon tad voa chomet fidel d'an Ilis Catholig;  
 Rac-se gant hon tirantet e zeo bet condaonet  
 Da bignat var ar chafot da veza dibennet.



Prestiq goude, hor madou a zo bet confisqet,  
 Hac ive, prestiq goude, siouas! int bet guerzet.  
 Consumet gant ar chagrin deus qement a gollo,  
 Hor mam a zo bet neuze scôet gant ar maro.

Sessit, va c'hoar, da barlant; sessit d'am dezoli,  
 Re am eus var an douar a dourmant hac annui.  
 Er moment mac'h esperen comanç beva eurus;  
 En em gavàn, va Doue! muyoc'h-muy maleurus.

Goude beza servichet ar Republiq ingrat,  
 He deus, d'am recompaci, gillotinet va zad,  
 Laqet va mam da vervel dre nerz an dizesper,  
 Ha guerzet va oll vadou; n'em bo nemet mizer.

Dious an tourmanchou garo a stourm eus va speret,  
 Pelêc'h caout soulajamant, pelêc'h caouet remed?  
 Ar plac'h he deus captivet a bell va zantimant,  
 A zoulajo va hirvoud gant he c'homzou charmant.

Varzu ti va mestreziq e zàn gant esperanç  
 Caout en he fidelite remed eus va zouffranç:  
 Bonjour dêc'h, va rouanez; setu me deut er vro;  
 Ancouêt eo va oll boaniou mar am c'harit ato.

Me zo FANCHIC, ho mignon, distro eus ar brezel,  
 Hac a zo en peb amzer chomet dêc'h-u fidel.  
 Demeus va oll garantez ebars en oc'h andret,  
 Em eus bremàn esperanç beza recompancet.

Petra, paour-qèz ruzudic, clasqit-u em c'hever?  
 Biscoas n'em eus bo quelet, na deziret ober.  
 Biscoas n'em eus ho caret, na birviquen n'er gràn,  
 Ha setu, en ber gomzou, ho setanç divezàn.



Me zo an den maleurus, ne gaset qet e bar.  
 Mil guezch milliget an heur m'on deit var an douar!  
 Oll gouliou va c'halon zo nêve digoret,  
 O vevâ bet rebutet gant va muyad caret.

Va mestrez ous va gueleit couezet en paourte,  
 Nijet he fromessaou, nijet he c'harante.  
 Esperanc va eurusted, allas! zo iremenet,  
 Evel ma ra un uré en nos dre hor speret.

An exempl-mân, tud yaouanq, a deu d'oc'h instrui  
 Pegen dister ar bed-mân, leun a ingrateri.  
 Epad ma zoc'h p'ividiq, gant an oll oc'h caret;  
 Mes mar tro rod ar fortun, adieu ar mignonet.

Petra râñ var an douar? Collet va mam, va zad,  
 Va mestrez ha va madou, va brec'h da labourat?  
 O vervel pe o veva er c'hoad gant al loened,  
 Rin guelloc'h vit implori aman fos mignonet.

Er c'hozjou an tevala o tont d'en em guzat,  
 Maget vin gant va glac'har, hac eus va daoulagad  
 E tiredo an daelou da drec'hi va zec'hed,  
 Betec ar moment eurus ma quittain ar bed.

F I N.

E MONTRULEZ, e ti LEDAN, e traon ru ar Vur.